



NAALAKKERSUISUT
GOVERNMENT OF GREENLAND

UKIUMOORTUMIK NALUNAARUT 2021

AKILERAARTARNERMUT AQUTSISOQARFIK / SKATTESTYRELSEN



WWW.AKA.GL

IMARISAI

Akilerartarnermut Aqutsisoqarfik pillugu	3
Aqutsisoqarfiup pisortaata nalunaarutaa	4
Aallarniut	5
Aaqqissugaaneq ingerlatsinerlu	6
2021-mi Pingaarnertut suliniutit	7
Akilerartarnermut Aqutsisoqarfik Aaqqissugaanera	8
2021-mi Inernerit Aalajangersimasut	12
2021-mi allannguinerit	13
Kalaallit Nunaanni akileraarutit 2020 - Tamakkiisumik paasisaqarneq	24
Akileraarutit tunngaviit oqaluttuarisaanermit isigalugit allanngoriartorneri	25
2021-ip ingerlanerani akiitsut ineriartorneri	30

AKILERAARTARNERMUT AQUTSISOQARFIK PILLUGU

Sulisut: sulisut 130-it missaani.

Aaqqissugaaneq: Aqutsisoqarfik 2019-mi sisamanik immikkoortortaqaqpoq.

- Suliaticigut suliniutit nakkutilliinerlu, kukkunerisuiernik, akileraarusiernerik annissinermilu akitsuuserinermik suliaqartoq, sulisitsisunillu nalunaarsuffimmik Sulinal-imik isumaginnittoq
- Akiliisitsiniartarfik, inuussutissarsiutillit inuinnaallu akiitsuunik isumaginnittoq.
- Aningaasaqarneq, naatsorsuutininik, akitsuutininik isumaginnittoq.
- Suliatic ataatsimoorussat, tassaasut sulisunik pikkorissaaneq, attaveqatigiinneq aamma teknikki kiisalu innuttaasunik sullissivik.

Akilerartarnermut Aqutsisoqarfik aqutsisoqarfimmi pisortamit aqunneqarpoq, nammineq sulisoqartumik. Saniaticigullu ilanngaaserisoqarfimmut isumaginnittuulluni.

Nunami inissisimanerit:

Suliassat Nuummi qitiusumik allaffimmi kiisalu nunap immikkoortuini tallimaasuni Qaqortumi, Maniitsumi, Kangerlussuarmi, Sisimiuni Ilulissanilu kiisalu Danmarkimi allaffinni marlunni suliarineqartarput.

Aqutsisoqarfiup inuiaqatigiinni akisussaaffii:

Akilerartarnermut Aqutsisoqarfik kalaallinik inuusuttunik ilinniartitseqataavoq. Suliffinnik misiliisut sisamat 2021-imi atorfinitsinneqarsimapput. Aqutsisoqarfiup pappiaqqanik atuineq sutigut tamaticigut isumalluutininik atuinerup annikillissarnissaanik aallussineq.

Nittartagaq: www.aka.gl



AKILERAARTARNERMUT AQUTSISOQARFIUP ALLAFFII

AQUTSISOQARFIUP PISORTAATA NALUNAARUTAA

Kalaallit Nunaanni innuttaasunut suliffeqarfinnullu suliassaq angisooq pingaarutilillu Akileraartarnermut Aqutsisoqarfiup suliaraa, taamatut nunap aningaasaqarneranut tunngaviumik pingaarutilimmik Akileraartarnermut Aqutsisoqarfik atuuffeqarpoq.

2021, 2020-imituut, ukioq nalinginnaasimanngilaq. Kalaallit Nunaanni innuttaasut piffissap ilaani angerlartinneqarput Covid-19 pissutigalugu. Inuiaqatigiit nunallu aningaasaqarnera kipiluttunartorsiorinneqarput. Akileraartarnermut aqutsisoqarfik aamma ajornartorsiornermut taamatut inissimasariaqarsimavoq aningaasarsianut taartisiat pillugit Naalackersuisut COVID-19-imut ikiorsiissutinik aqutsinermit nakkutiginninnermullu tunngatillugu Akileraartarnermut Aqutsisoqarfik suleqataavoq.

Akileraartarnermut Aqutsisoqarfiup 2021-mi suliassat pingaarnerpaat, tassa akileraarutinut, akitsuutinut aamma akiliisitsiniartarnermik suliassaqarfiit, kiisalu soraarnerutissiaqarnissamut aqqissuussinermit peqataasussaataaneq pillugu allaffissornikkut suliassat isumagineri ukkanneqarput. Soraarnerutissiaqarnissamut aqqissuussinermit peqataasussaataaneq suleriaaseq suli nutaamat attaveqatigiinneq nakussarsarniarlugu ukkanneqarpoq, innuttaasut apequtigineqarnerpaanut akineqarsinnaaniassammata. Pinngitsoorani utoqqalinersiaqarnissamik aqutsinermi malittarisassani immikkoortut nassuiarnissaanut suliffeqarfiup iluani piginnaaneqarnerulerpugut.

Naalackersuisut digitalingortitsinermit periusissiaat 2018-2021 'Inuiaqatigiit digitalimik atuisut' pisortani susassaqtut assigiinngitsut suleqatigiinnissaannik piumasaqaateqarpoq, taamaaliornikkut digitalikkut aqqiissuteqarnerit immikkoortut ingerlataqartullu akimorlugit ingerlassapput. Ataqtigiissumik aqqissuussat nutaat ingerlatinniarlugit aningaasaqarnermut ataqtigiissumik aqqissuussinermit nutaamut, Sullissivimmu Digitalikkullu Allannut tunngatillugu Akileraartarnermut Aqutsisoqarfiup ingerlatsisut allat peqatigalugit annertuumik suliniuteqarpoq. Innuttaasuut suliffeqarfiillu Sullissivik.gl aqutugalugu paasisutissanut imminullu kiffartuussinissamut periarfissaat aamma 2021-imi piorsaaffigineqarput. Taamatut siuumoortumik nalunaarsuinerup, inaarutaasumik ukiumullu naatsorsuinerit, akileraarusiinermit allagartap allakkallu allat Akileraartarnermut Aqutsisoqarfimmeersut nassiunnerini siunissami e-Boksi atornerarnissaanut tunngatillugu piareersaataasumik sulineq Akileraartarnermut Aqutsisoqarfiup aallartippaa. 2022-mi e-Boksi piviusunngortinneqarpoq.

Kalaallit Nunaata nunallu allat akornanni suliffeqarfiit akunnerminni aningaasanik nuussisarneranut aningaasallu ingerlaarnerannut tunngasunut suliniutit aallartinneqarput. Transfer pricing pillugu sulisussat immikkut immikkoortoqarfilerineqarput, suliffeqarfiit nuna allani attuumassutillit misissueqqissaarnernut nakkutigineqarnissai siunertaralugu.

Kalaallit Nunaanni innuttaasunik suliffeqarfinnullu tamanik pitsaasumik sullissisutut aamma ineriartornermik paasisimannilluartutut suliffeqarfiorusulluta Akileraartarnermut Aqutsisoqarfimmi kissaatigaarput.



Kim Neumann Nielsen, Aqutsisoqarfimmi pistorta

AALLARNIUT

Akileraartarnermut Aqutsisoqarfiup suliassai pingaernerit tassaapput akileraarutitik akitsuutinillu akiliisitsinerit kiisalu pisortanut akiitsunik akiliisitsiniartarnerit. Akileraartarnermut Aqutsisoqarfik ukiut tamaasa innuttaasunik suliffeqarfinnillu atassuteqartarpoq. Akitsuuserinerimut atatillugu innuttaasut naapittarpagut, aamma aningaasaqarneranni pissutsit imaluunniit suliffeqarfiit ingerlataat pillugit ulluinnarni atassuteqarfigisarlutigit. Aqutsisoqarfik innuttaasuniit suliffeqarfinniillu 80.000-it sinnerlugit ukiumut saaffigineqartarpoq.

Innuttaasut suliffeqarfiillu inissisimanerannik pisariaqartitaannillu aallaaveqartumik suliffeqarfimmik naapitaqarnermik misigisaqarnissaat pillugit innuttaasut suliffeqarfiillu pillugit sammisaqarpugut, aamma saaffiginnissutit erseqqissumik, eqqortumik sukkasuumillu akiniartarlugit. Tamanna atuuppoq saaffiginninneq digitalikkut imaluunniit nammineq takkunneq pinersaq apeqqutaatinnagu. Arlalissuit akileraartarnek akiitsullu suliassaqarfittut paasiuminaattutut misigisarpaat. Akileraartarnermut Aqutsisoqarfiup oqaloqatigiinnermi ajornaatsuunissaq paasinaruunissarlu anguniartarpaa.

Akileraartarnermut Aqutsisoqarfik nuna tamakkerlugu suliffeqarfiussaaq piginnaasaqartoq naammassisaqarluartorlu, akileraarutitik, akitsuutinik akiliisitsiniaanermillu eqqortumik aqutsinermik inuiaqatigiinnut qulakkeerinnittoq. Innuttaasunik, atuisunik suliffeqarfinnillu sutigut tamatigut atassuteqarneq ataqinnittumik ingerlanneqassaaq. Aqutsisoqarfik suliffeqarfiussaaq sulisunik piginnaasaqartunik kiffartuussinissamillu sammisunik ineriartortitsineri siuttuusoq.

Akileraarutit akitsuutinillu inuiaqatigiinni iluaqutit nammatassallu agguarnissaannut politikikkut sakkuupput. Akileraartarnermut Aqutsisoqarfik tunngaviit paasissutissiissutigineqartut atorlugit Inatsisartut Naalackersuisullu politikkiminnik ingerlatsinissaannut aqutsisut allat peqatigalugit iliuseqarpoq. Aamma inatsisit akuerineqartut Akileraartarnermut Aqutsisoqarfiup suliassaqarfiani sulineri pivirusngortinneqartarlutik.

Akileraartarnermut Aqutsisoqarfik tassaavoq Namminersorlutik Oqartussani allaffeqarfiit ilaat aamma Aningaasaqarnermut Naalackersuisoqarfiup ataaniilluni. Aqutsisoqarfik naalackersuisoqarfiup kiisalu Namminersorlutik Oqartussat ilaatut pimoorussisuuneq kiffartuussinermullu sammisaqarnissaq anguarpaat.

Akileraartarnermi Aqutsisoqarfiup sullissinerimut periusissatut siunniussai www.aka.gl-imi atuarneqarsinnaapput.

AAQQISSUGAANEQ INGERLATSINERLU

Pingaarnertut suliassat

Akileraartarnermut Aqutsisoqarfik akileraarutininik akitsuutinillu akiliisitsiniartarnernik isumagisaqartarpoq. Akileraarusiinermit akitsuusiinermullu suliassaqarfimmut ilaapput akileraarutininut A-nut aamma B-nut akileeqqusisarneq akileraarusiisarnerlu, siumoorneq, nalunaarsuineq, inunnik ingerlatseqatigiiffinnillu akileraarusiineq kukkunersuinerlu, akitsuutit amerlanerpaartaasa akileqquneqartarnerat nakkutigineqarnerallu, aqutsisoqarfiup nakkutigisaraattaq nioqqutissanik eqqussuinermik nakkutilliineq, taakkununga ilanngullugit ikiaroorartunik nakkutilliineq. Akileraartarnermut Aqutsisoqarfiup soraarnerussutisiaqarnissamut aaqqissuussinermit pinngitsoorani ilaanissaq allaffissornikkut aamma ingerlataraa.

Ullumikkut Akileraartarnermut Aqutsisoqarfik suliffeqarfinnut atatillugu nalunaarsorneqarnissamut pisussaasuni nalunaarsuinerit, allannguinerit, taamaatitsinerit il.il. CVR-imut (Inuussutissarsiummik Ingerlataqartunik Nalunaarsuiffik) allattoqarfittut isumaginnippoq.

Akileraartarnermut Aqutsisoqarfiup, Namminersorlutik Oqartussanut, kommuninut, INI A/S-imut, Nukissiorfinnut il.il. kiisalu nunanut avannarlernut akiitsut akilersinniarneqartarnerat isumagisarpai.

Covid-19-imut tunngasut ajornartorsiornermi suliffeqarnermut ikiorsiissut allaffissornera Akileraartarnermut Aqutsisoqarfik ataqatigiissarisuuvoq.

Aammattaq sinerissami ilanngaaserinerup isumagineqarnissaa pillugu Tusass Mittarfeqarfiillu isumaqatigiissuteqarfigineqarput.




2021-MI PINGAARNERTUT SULINIUTIT

Tamakkiisumik isigalugu

2021-imi Akileraartarnermut Aqutsisoqarfimmi sulineq matuma ataani taaneqartunik malunniuffigineqarsimavoq.

- **Suliassat pingaarnarpaat sammeneqarneri.** Akileraarutitut, akitsuutitut aamma akiliisitsiniartarnermik suliassaqaqarfinnik ukkassineq, matumani ilanngullugu pinngitsoorani soraarnerussutisiaqarnissaq pillugu allaffissornikkut pisussaaffiit. Pinngitsoorani soraarnerussutisiaqarnissamut akiliutit aamma pinngitsoorani soraarnerussutisiaqarnissaq pillugit tamanut ammasumik paasissutissiissutiginera Akileraartarnermut Aqutsisoqarfiup immikkut ittumik ukkannikuuaa.
- **Covid-19-imi pissutsit kingunerisaasa aningaasaqarnikkut pakkersimaarneri.** Suliffeqarfinni aningaasarsianut taartisiat pillugit suliffeqarnermut ikiorsiissutit aqunneqarnerinut Akileraartarnermut Aqutsisoqarfiup suliaqarpoq. Covid-19-imi killilersuinerit pissutigalugit Maniitsup Nuullu avataani illoqarfinni nunaqarfinnilu nakkutilliinermik akiliisitsiniarnermillu toqqaannartumik ornigullunilu Akileraartarnermut Aqutsisoqarfiup suliaqanngilaq.
- **Ataqatigiissumik aaqjissuussisimanermik pitsaanerulersitsineq.** Akileraartarnermut Aqutsisoqarfiup eSkatimik kiisalu suliffimmi suleriaatsinik periutsinillu ingerlaavartumik naleqqussaallunilu isumannaallisaanerivoq. Aningaasaqarnermut naatsorsuuserinermullu ataqatigiissumik aaqjissuussinerup nutaap, Prisme, pakkutarineqarpoq.
- **Pappiliatigut allakkanit digitalikkut allakkanut.** Siumoortumik nalunaarsuinerit, inaarutaasumik ukiumullu naatsorsuinerit, akileraarusiinerimut allagartaq allakkallu allat Akileraartarnermut Aqutsisoqarfimmeersunik nassiussinernut e-Boksip atornerulerpaa.
- **Kalaallit Nunaata nunallu allat akornanni suliffeqarfiit akunnerminni aningaasanik nuussisarneranut aningaasallu ingerlaarnerannut tunngasunut immikkoortaq pilersinneqarpoq.** 2021-mi transfer pricing pillugu immikkoortaq nutaaq pilersinneqarpoq, suliffeqarfiit nuna allani attuumassutillit misissueqqissaarnernut nakkutigineqarnissai siunertaralugu.
- **Oqartussaasut allat suleqatigineqarneri pitsanngorsarneqarpoq.** Kalaallit Nunaani Danmarkimilu Akileraartarnermut Aqutsisoqarfii 2021-mi suleqatigiinnissamut isumaqatigiissuorput. Suleqatigiinnissamut isumaqatigiissut ilisimasanik sulisunillu avitseqatigiinnermut, ataatsimiinnernut tunngapput. Aammattaaq siunertaavoq tunngaviummik ajornartorsiutaasinnaasut eqqartorneqarsinnaaneri aaqjiissutigineqarsinnaallutillu. Minnerunngitsumillu nunat allat akornanni suliffeqarfiit akunnerminni aningaasanik nuussisarneranut aningaasallu ingerlaarnerannut tunngasunut suleqatigiinneq siunertaralugu.

AKILERAARTARNERMUT AQUTSISOQARFIK AAQQISSUGAANERA



Aqutsisunut sullissivik

Aqutsisunut sullissivik ulluinnarni aqutsisunut allatseqarfiuvoq immikkoortanullu assigiinngitsuni ataqatigiissaarisuulluni. Aqutsisunut sullissivik aqutsisoqarfiup avammut nalunaartarnera isumagisarpaa, aningaasaqarnermut naligiisitaanermullu naalakkersuisoqarfik aqutugalugu naalakkersuisoqarfinnut tunniussukkanik isumagisaqartarluni. Aqutsisunut sullissivik aamma akisussaaffigaa soraarnerutissiaqarnissamut aqqissuussinermut peqataasussaataitanermut ineriartorneqarnera ingerlanneqarneralu. Isumalluutinik atuinermut akitsuut, imermut sikumullu akitsuut, nunatsinni imeruagassanillu nioqqusiorfiit akitsuuserfigineqarnerat aqutsisunut sullissivimmiit isumagineqarput. Nunani allani isumaqatigiissusiorneq aammalu paasissutissanik paarlaateqatigiinneq aqutsisunut sullissivimmiit isumagineqarpoq.

Ilangaaserisut

Angalasunik tikittunik aallartunillu kiisalu nioqqutissanik eqqussinermi annissinermilu nakkutilliineq Ilangaaserisoqarfiup suliarai. 2021-mi aalakoornartup cigaritsillu akitsuuteqanngitsut eqqussuuneqarneri pillugu nakkutilliineq ilatigut aalakoornartup 28 literip missaanniittup cigaritsillu kartonit 88-it arsaarinnissutaanerannik kinguneqarpoq. Tassunga atatillugu 135.700 kr.-init missaat akiliisitsissutigineqarput. Akitsuuserinermi suliassap akitsuuserinermi periusissiami Inussuk 2018-2023-imi malitassiat malippai.

Aningaasaqarnermut immikkoortaq

Immikkoortortami aqutsisoqarfiup akiliisitsiniarneri, akiliisarneri, akiliutigineqartunik, ilangaassinernik, nalunaarsuineranik aamma akileraarutinik akitsuutinillu aqutsinerata annertunersaanik isumaginnittoqarpoq, tassa soorlu nioqqutissanik eqqussuineri akitsuutit, qamutitut akitsuutit, umiarsualivimmiinnermut akileraarutit, pappiaqqanik nalilinnik naqissusiineri akitsuut, eqquiniaasitsineri akileraarutit, akiliisitsilluni piniartitsineri akiliutit, aalisarnermut akiliutit aammalu tips-lotto-mullu akiliutit. Taakku saniatigut Akileraartarnermut Aqutsisoqarfiup ingerlatsineri naatsorsuutinik isumaginnippoq. Aningaasaqarnermut immikkoortortaq Akileraartarnermut Aqutsisoqarfimmi paasissutisat amerlanersaannik suliaqarpoq.

Aningaasaqarnermut ataqatigiissumik aqqissuussinerup nutaap piviusunngortinneqarneranumut Aningaasaqarnermut immikkoortortaqarfik 2021-imi ukkassisimavoq. Tamatuma kinguneraa suliassat tamarmik misissorneqarmata akiliinissamut suliniutit nutaat pakkorsorneqarput.

Akileraaruserineq nakkutilliinerlu

Immikkoortortaq Maniitsumi, Sisiumini aamma Ilulissani kiisalu Danmarkimi sulisoqarpoq. Immikkoortortap suliassaqarfianiipput innuttaasunut suliffeqarfinnullu ikiuineq ilitsersuussinerlu, akileraartarnermut akitsuutinillu tunngasut iluanni suliffeqarfiit ingerlatseqatigiiffiillu il.il. akileraaruserneri kukkunersiornerilu. Immikkoortaq nuna tamakkerlugu akileraarutit, nuna tamakkerlugu immikkut akileraarutit, akileraarutit A-at B-iillu, selskabit akileraarutaat, pigisanit pissarsiat ilaasa akileraaruserneqartarnerat ilaalu ilanngullugit. Innuttaasut suliffeqarfiillu tamamik eqqortumik akileraarummik akiliinissaasa qulakkeerneqarnissaa sammineqarpoq. Minnerunngitsumik sulisitsisunik nakkutilliinermi isumalluutininik tamanna pisariaqartitsivoq, taamaalilluni paasissutissat eqqortumik piffissaagallartillugulu nalunaarutigineqarlutik.

Kalaallit Nunaata nunallu allat akornanni suliffeqarfiit akunnerminni aningaasanik nuussisarneranut aningaasallu ingerlaarnerannut tunngasunut immikkoortaq 2021-mi pilersinneqarpoq, suliffeqarfiit nuna allani attuumassutillit misissueqqissaarnernut nakkutigineqarnissai siunertaralugu.

2021-mi Akileraarutit Nakkutilliinerlu nakkutilliinera killeqarpoq Covid-19-imut angalanissamik killilersuinerit pissutigalugit. Taamaattumik kisimi Nuummi sulisitsisunik nakkutiginninneq taamaallaat suliarineqarpoq. Akileraarutit pillugit inatsimmik eqquutsitsinnginnernut 4,3 mio. kr.-nik 2021- imi akileraarutitut akiliisitsisoqarpoq.

Akiliisitsiniartarnek

Immikkoortortaq Maniitsumiit aqunneqarpoq. Innuttaasut suliffeqarfiillu Kalaallit Nunaanni pisortanut akiitsuisa akilerneqarnissaasa qulakkeerneqarnissaanik immikkoortortaq suliassaqarpoq. Tamatuma saniatigut sulisitsisunik nakkutilliinissaq immikkoortortap pingaarutilittut suliassaraa. Sullissinermi immikkoortortap taassuma Kalaallit Nunaat tamaat sullitaraa ukiumullu marloriarluni Nuuk, ukiumut ataasiarluni Ilulissat angusarlugit taakkulu saniatigut ukiumut illoqarfiit arfineq pingasut-qulit. Immikkoortortap kiffartuussinerani pisortanut akiitsunik innuttaasut suliffeqarfiillu akilersuinissamut piginnaasaat sammiuarlugu akiitsuinut naleqqiullugu sunniuteqarnerpaanik sakkoqarluni innuttaasut suliffeqarfiillu kajumissaarnissaannut suliniut ilaatinneqarpoq. Taamaattumik aamma siunissami ungasinnerusumi inissimanerminnik qanoq isumaginnissinnaanerit pillugu innuttaasunik suliffeqarfinnillu siunnersuisoqarpoq.

Covid-19-imut angalanissamik killilersuinerit pissutigalugit Akiliisitsiniartarnermut immikkoortortaqarfik 2021-mi Nuup Maniitsullu avataani suliaqarnikuunngilaq. Tassunga akiliisitsiniartarnermut ataqatigiissumik aaqquissuussineq nutaamut piareersarnek annertuumik iluarsaassinermik piumasaqaatinik pisoqalisunik arlalinnik ersissitsisumik kinguneqarpoq. Aningaasaqarnikkut ataqatigiissumik aaqquissuussinerup nutaap piviusunngortinneranut aamma sulianik ingerlatsinerit ineriartortinneranut isumalluutit annertuut atornerput. 2021-imi suliniuteqarnerup akiitsut 14,4 mio. kr.-nit matussuserneritut akiliinerit kinguneraa.



Suliat ataatsimoorussat

Innuttaasunut sullissivik tassaavoq Akileraartarnermut Aqutsisoqarfimmi sullissanut atatillugu kiinnererat. Taassuma saniatigut sulisut pillugit sulianut, akissarsianut nalinginnaasumillu allatsitut sulinermut atatillugu suliassat suliarisarpaat. Akileraartarnermut Aqutsisoqarfimmut saaffiginnissutit akileraarnermut, akiliisitsiniarnermut, momsimut allagartanik naqitsisarnermut, akitsuutinut, CVR-mut allanullu atatillugu tamarmik pingaarnertut innuttaasunut sullissivikkoortarput. Tamanna saniatigut sulisunut suliffeqarfimmullu tunngasut isumagineqartarput, soorlu akissarsiat, attartuinermut isumaqatigiissutit ilaalu ilanngullugit.

Ulluinnarni innuttaasunut sullissinerup saniatigut akileraarusiinerit suliassallu allat soorlu e-mailikkut oqarasuaatikkullu saaffiginnissutit isumagineqartarput. Qaammatit tamaasa 2.000-t missingi Akileraartarnermut Aqutsisoqarfiup saaffiginnittarfianut Ilulissani, Sisimiuni, Maniitsumi, Nuummi Qaqortumilu ornigullutik saaffiginnittarput. Ornigullutik saaffiginnittartut saniatigut agguaqatigiissillugit 300-it missingi ullut tamaasa immikkoortortaqarfiup toqqaannartumik oqarasuaataanut sianertarput. Saaffiginnittarfimmut sianertartut saniatigut namminersorlutik oqartussat nuutsitsisarfiannit nuutitsisoqartarpoq. Akileraartarnermut Aqutsisoqarfiup mailikkut saaffiginnissutit qaammammut agguaqatigiissillugit 2.000-t tigusarpai.

Suliat ataatsimoorussat ataaniippoq ingerlatanut ineriartortitsivik. Aqutsisoqarfiup aaqqissuussaanut pingaarnertut ataqaatigiissumik aaqqissuussanut akisussaaffik, aqutsisoqarfiup iluarsartuullugu pilersaarussiaanut ineriartortitsinermilu suliassaqaarfiinut kiisalu suliassaqaarfiit akimorlugit suliassanik ingerlatsinerit. Ineriartortitsinermut Sulianillu Ingerlatsinernut Sullissiviup isumagisarai. Innuttaasunut sammisunik sulianik ingerlatsinermut pitsanngorsaanermit pingaartumik ukkataqartoq.

Tamanna atatillugu IT tunngaatigut pitsanngorsaanerit ingerlanneqarput, soorlu soraarnerutissiaqarnissamut aaqqissuussinermut peqataasussaataaneq, pigisanit pissarsiat ilaasa akileraaruserneqartarnerallu systemitigut oqilisaaneq.

2021-MI INERNERIT AALAJANGERSIMASUT

Uani ataani kisitsisit pinngaarnerit ataasiakkat 2021-mi Akileraarnermut Aqutsisoqarfiup suliaanut tunngasut.

Suliassaq Akileraarnermut Aqutsisoqarfiup Inatsisartut Naalakkersuisullu sinnerlugit akileraarutitut, akitsuutitut akiliisitsiniaanermullu tunngasut aqutarai, taamaalillunilu inatsisitigut isumannaatsuunissaq pingaartillugu ingerlatsinissamik qulakkeerinnilluni.

AALAKOORNARTUT CIGARETSILLU

Aalakoornartunut cigarettinullu tunngatillugu nakkutilliineq ingerlateqqinneqarpoq, ilaatigut tamatuma nassataanik aalakoornartut 28 literit missanniittut cigarettillu kartonit 88-t arsaarinnissutigineqarsimapput. Tassunga atatillugu 135.700 kr.-t missaanni akiligassiissutigineqarput.

IKIAROORNARTUT ANINGAASALLU

Ikiaroornartunut aningaasanullu tunngatillugit nakkutilliineq annertooq ilaatigut tamatuma nassataanik hashi sulianut 153-inut agguataarlugu 87 kg arsaarinnissutigineqarsimavoq.

Taakku saniatigut aningaasat 241.450 kr.-usut arsaarinnissutigineqarsimapput politiinullu suliareqqitassanngortinneqarsimallutik.

KUKKUNERSIUINERMUT SULIAT

Aqutsisoqarfiup kukkunersiuinermut allaffiata 2021-imi suliat 1.269-it (2020-imut 1.255-nut sanilliullugu) misissorsimavai. Suliat 551-it 307 mio.kr.-nik qaffaanermik kiisalu suliani 306-iusuni 56 mio.kr.-nik appaanernik inerneqarsimapput.

AKILERAARUTITIGUT NAATSORSUUTIT

2021-ip ingerlanerani akileraarusiinernit paasissutissat ukioq akileraarfiusoq 2020 pillugu nalinginnaasumik akileraarutitigut naatsorsuutit inunnut 48.796-nut suliarisimavai.

Inunnut ataasiakkaanut sullinneqarnerup il.il. kingunerisaanik katillugit 3.897-it inaarutaasumik naatsorsuutit allanngortitat suliarineqarput.

AKILERAARUTINUT AKILIISITISSUTIT

Akileraarnermut Aqutsisoqarfik 2021-imi suliat 200 missaaniittut akilersinniarneqarnissaanut tunngavissaqarnersut nalilersorpai.

2021-imi suliat 9-it akiliisitsinermik inerneqarput, suliallu 3-t politititut suliareqqitassanngortinneqarlutik.

AKILERAARUTIGUT NAATSORSUUTIT

Ukioq akileraarfiusoq 2020-imut suliffeqarfiit pillugit akileraarutitigut naatsorsuutit katillugit 1.170-it nassiunneqarput, kiisalu 2021-ip ingerlanerani akileraarutitigut naatsorsuutit katillugit 199-it allanngortinneqarput.

2021-MI ALLANNGUINERIT

Suliffiup iluani allannguinerit

Covid-19-imik matusarnerup nalaani kinguneranilu 2021 ukiuvoq aalajaatsumik ingerlatsinermut ukkatarinniffiusoq. Sulisitsisunik nakkutilliinissamut Akileraartarnermut Aqutsisoqarfiup periarfissaanut kiisalu aqutsisoqarfiup innuttaasunik toqqaannartumik oqaloqateqarnissamut periarfissaqarneranut Covid-19 annermik sunniuteqarsimavoq. Nalinginnaasumik killilersuinerit pissutigalugit akiliisitsiniarluni angalanissaq akornuserneqarsimavoq, tamatumalu kinguneraa angalanikinneruneq akiliisitsiniarlunilu annikinnerusumik suliaqarneq.

Kalaallit Nunaannut/-niit nunanut allanut timmisartornerit Covid-19 kingunerisai pissutigalugit angalasut ikinnerusimapput, 2021-imi Ilanngaaserisoqarfiup ukiuni siuliini sanilliussagaanni ikinnerusunik arsaarinnissuteqarpoq. Taarsiullugu talittarfinnut pulammagissani najuunnerit angallatillu tikittut kiisalu nassiussat allakkallu Ilanngaaserisoqarfiup aallunneruai.

Digitalinngortitsinermut Periusissiaq 2018-2021 'Inuiaqatigiit digitalimik atuisut' pisortat akimorlugit suleqatigiinnissamut piunasaqarpoq, taamaalilluni digitalikkut aaqqiissuteqarnerit immikkoortut suliaqartullu akimorlugit ingerlasinnaaqqullugit. Ataqaqatigiissumik aaqqiissuussat nutaat ingerlatinniarlugit aningaasaqarnermut ataqaqatigiissumik aaqqiissuussinermut nutaamut, Sullissivimmu Digitalikkullu Allannut tunngatillugu Akileraartarnermut Aqutsisoqarfiup ingerlatsisut allat peqatigalugit annertuumik suliniuteqarpoq.

Akileraarutinut tunngasunut Akileraartarnermut Aqutsisoqarfik digitalikkut pingasut imminut kiffartuunnissamut aaqqiissuteqarpoq; "Akileraarutikka" Sullissivik.gl aqutigalugu, Akileraartarnermut Aqutsisoqarfiup Imminut kiffartuuffia ilisarnaatit paasiuminaallisakkat naqittakkat aka.gl aqutigalugu aamma sulisitsisut nalunaarsorneqarfiat sulinal.nanoq.gl aqutigalugu. Sullissivik.gl-imi "Akileraarutikka" atoqqullugu Akileraartarnermut Aqutsisoqarfiup innuttaasut kaammattorpai, NemID-imik nalunaaruteqarneq isumannaannerujussuummat.

Aka.gl aqutigalugu ilisarnaatit paasiuminaallisakkat naqittakkat atorlugit imminut kiffartuuffik ukiuni aggersuni atorunnaariartussaaq. Imminut kiffartuunnermi suleriaatsip assigiinnerulernissaa, kiisalu digitalikkut periarfissanik atuinerup digitalikkullu isumannaassutsip paasissutissanillu illersuinerup ingiaqatigiinnissaat Akileraartarnermut Aqutsisoqarfiup sulissutiginiarpaa.

Akileraarutit, akitsuutit pinngitsooranilu soraarnerussutisiassat iluanni ataqaqatigiissumik aaqqiissuussatut innuttaasunut allaffeqarfimmullu ingerlanermikkut inatsisitigut timitalerneqarnissaat Akileraartarnermut Aqutsisoqarfiup isumagisarai. Pinngitsoorani soraarnerussutisiassanut tunngaviusoq aamma IT-mut ataqaqatigiissumik aaqqiissuussineq nukittorsarniarlugu 2021-imi annertoourujussuarmik nukinnik atuisoqarpoq.

Allannguinerit avataaneersut - Inatsisit sinaakkusiussallu.

2021-mi akileraartanermi inatsisit uku akuerineqarput:

- Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 11, 1. december 2021-mersooq (Akeqanngitsumik biileqarnerup, akiliunneqarluni angalanerit, akeqanngitsumik oqarasuaateqarnerit, akeqanngitsumik internetseqarneq, akeqanngitsumik nerisaqarnerup, akeqanngitsumik ineqartinneqarnerup akileraarutitigut nalinga, akileraarutini ilanngaatinik il.il. inatsimmi aalajangersaaneq, suliffeqarfiit nunani allani illersornissamut oqartussat sullillugit suliasanik suliarinnittartut Kalaallit Nunaanni akileraarutitigut angerlarsimaffeqarnissamik pisussaaffeqarnerat, transfer pricingimi uppernarsaasiinissamut piunarsaqaatinik naammassinninnginnermi pineqaatissiissutit aamma ingerlatseqatigiiffiit akileraarummik akiliigallartarnerat il.il.)
 - Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaat nr. 12, 1. december 2021-mersooq (Killeqarfiit akimorlugit aqqiussuussinerit il.il. pillugit nalunaaruteqartussaataitaanerit allanngortinneqarnerat, kiisalu nunani allani oqartussanik suleqateqarnermi paasissutissanik tigusineq aamma ingerlatitseqqinneq, aningaasarsianit akileraarutit pillugit Inatsisartut inatsisaani ingerlatseqatigiiffinnut akileraarutinit akiliutaagallartut eqqunneqarnerata kingunerisaanit iluarsisassat, kiisalu pinerluttulerinermik Inatsimmut innersuussinnermut iluarsisassat)
 - Kalaallit Nunaanni aalisarnermi pisarineqartut isumalluutininik atuinnermut akitsuutaat pillugit Inatsisartut inatsisaata allanngortinneqarneranik Inatsisartut inatsisaat nr. 8, 19. november 2021-mersooq (Inatsisip taaguutaanik, akitsuutit tunngaviinik uppernarsaasionermik aamma uppernarsaatit naatsorsueqqissaarnermi misissueqqissaarnermilu siunertanut atorineqarnissaannut periarfissanik allanngineq)
 - Kalaallit Nunaanni aalisarnermi pisarineqartartut isumalluutininik atuinnermut akitsuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. 24, 1. december 2021-mersooq (Aalisakkat avammut nioqqutigineqartut akiitsuuserneqartartut akitsuutaasa ilaasa qaffanneqarnerat)
-

Suliassaqarfik 20 – 24-mut Aningaasaqarnermut Naalackersuisoqarfik aamma Akileraartarnermut Aqutsisoqarfik.

- Nr. 1. Aningaasaqarnermut Naalackersuisoqarfiup ilaatigut akileraartarnermut akiliisitsiniartarnermullu tunngasut akisussaaffigalugit isumagisarpai, tassunga ilanngullugit eqqartuussivimmi suliat, akiliisinnaajunnaarnermik nalunaarutiginninnerit, akiliisitsiniartarnerit il.il. Akiliisinnaajunnaarnermik nalunaarutiginninneri il.il., aamma Akileraarusiinermik Aalajangiisartut aalajangigaannik il.il. misiliinerni aammalu Kalaallit Nunaata avataani pisortat pisassaannik akiliisitsiniartarnermut atatillugu eqqartuussissuserisunut aamma tamanut ammasumik neqerooruteqartitsinerit Aningaasaqarnermut Sulisoqarnermullu Aqutsisoqarfimmi aaqqissuunneqartut pillugit eqqartuussinermik isumaqatigiissitsiniarnermillu sulianut aningaasartuutunik pilertunik aningaasalersuisinnaanissaq qulakkeerniarlugu konto pingaarnaq manna pilersinneqarsimavoq. Oqaasertaliussat AI 2020-mit iluarsineqarlutik ingerlateqqitaapput.
- Nr. 2. Oqaasertaliussat uku aqutugalugit Akileraartarnermut Aqutsisoqarfik Namminersorlutik Oqartussanut pissarsiassat 300,00 kr.-nik ikinnerusunilluunniit annertussusillit isumakkeerinnissutiginnissaannut piginnaatitaallissaaq. 300,00 kr.-nik ikinnerusunilluunniit isumakkeerinninnissamut piginnaatitaaffiugaluartoq, Akileraartarnermut Aqutsisoqarfik Namminersorlutik Oqartussanut akiitsunik tamanik 100,00 kr.-nik ikinnerusunilluunniit annertussusilinnik isumakkeerinnittassaaq. Namminersorlutik Oqartussanut pissarsiassat tamaasa 100,00 kr.-nik ikinnerusunilluunniit annertussusillit isumakkeerinnissutigisarnerisigut isumakkeerinnissutillu taamatut killilerneqarnerisigut isumakkeerinnissutit aningaasatigut annertussusiisa innuttaasullu inatsisitigut isumannaatsuunissaasa akornanni oqimaaqatigiinneq pitsaanerpaassasoq Akileraartarnermut Aqutsisoqarfik isumaqarpoq. Akileraartarnermut Aqutsisoqarfiup piginnaatitsissut Akileraartarnermut inatsimut naleqquttumut, 2021-mi Inatsisartut ukiakkut ataatsimiinnerinut atatillugu imaluunniit kingusinnerpaamik 2022-mi ilanngunneqarsinnaajumaartoq naatsorsuutigaa. 2020-mi ilassutitut aningaasaliissuteqarnermi oqaasertaliussat akuerineqarput, takuuk IA-suliaq normu 20-900. Oqaasertaliussat nutaajupput.
- Nr. 3. Oqaasertaliussatigut akiitsut, pisortanit allanit akiitsoqarfigisanit akiliisitsiniarnissaq siunertaralugu Akileraartarnermut Aqutsisoqarfiup tigusinnaasai 100 kr.-nik minnerpaaffissalernerqarput. Allannguut tamanna suliassaqarfik 20-24-mut oqaasertaliussani nr. 4-mi ullormi 19. august 2020-mi akuerineqartumi ilisimatitsissutigineqarpoq, takuuk IA-suliaq normu 20-900. Allaffissornikkut sipaaruteqarniarneq siunertaralugu oqaasertaliussat atuutilersinneqarput. Aningaasanik ataatsimut aqutsissut Prisme akiligassanik akileeqqusissutinik takkuttoqaraangat innuttaasunut suliffeqarfinnullu akileeqqusissutinik nassiussisassaaq. Taamatuttaaq ernianik akileeqqusissutinik takkuttoqaraangat. Taamaattoqartillugu suliassanik suliarinninnermut, akileeqqusissutinik nassiussinermut il.il. aningaasartuutit akiligassap annertussusianit annertuninngortarput. Akiligassamut ataatsimut aningaasartuutit naatsorsorneqarnikuunngillat taamaattumik minnerpaaffissaata 100 kr.-unissaa aalajangerneqarsimavoq. Taakkua 100,00 kr.-t akiligassap ataatsip annertussusaanut matussusiipput. Erniat akiligassamut immikkut ittumik akiligassatut allanneqassapput. Oqaasertaliussat uku atorlugit Akileraartarnermut Aqutsisoqarfiup pissarsiassat 100,00 kr.-usut ikinnerusunilluunniit, Namminersorlutik Oqartussat pisortalluunniit oqartussat allat il.il. akiligassaqarfiuppata itigartissutigissavai. Oqaasertaliussatigut akiligassaqarfiit akiligassanik annikinnerusunik akiliisitsiniartarnerat namminnerlu aqutsissutiminni matussusiisarnerat mattunneqanngillat. Oqaasertaliussat nutaajupput.

Konto pingaarneq 24.01.01-imut, Akileraartarnermut Aqutsisoqarfik, allaffissorpeq, nassuiaatit.

- Akileraartarnermut Aqutsisoqarfiup IT-kkut atortorissaarutai, e-akileraarneq ilanngullugu, ingerlaavartumik ineriartortinneqassapput ingammillu nutaamik inatsisiliornerup imaluunniit allannguuteqartitsinerup malitsigisaanit naleqqussarneqarlutik. Ineriartortitsinermik suliat ilaanneeriarlutik ukiunik aningaasanut inatsiseqarfiusunik arlalinnik sivissuseqarsinnaasarput, taamaammallu eqaannerulersitsinissaq pisariaqarpoq. Nutaamik ERP-systemimik pisaarnissaq kiisalu ukiuni aggersuni annertuunik iluarsartuussinissaq eqqarsaatigalugu, IT-kkut atortorissaarutinik ineriartortitsinissaq naleqqussaannissarlu ilimagineqartariaqarput. Suliassat taamatut annertussusillit ukiup aningaasanut inatsiseqarfiusup ataatsip iluaniitiinnarnissaat naammannaviangilaq. Oqaasertaliussat AI 2020-mit ingerlateqqitaapput.

Siunertamut kontumut, 24.10 Toqqaannartumik akileraarutit

- Nr. 1. Nuna tamakkerlugu akileraarutip procentia Inatsisartut inatsisaanni nr. 12, 2 november 2006-imeersumi § 61, imm. 2 naapertorlugu 2021-mi 10-ussasoq aalajangerneqarpoq.
- Nr. 2. Nuna tamakkerlugu immikkut akileraarutip procentia Inatsisartut inatsisaanni nr. 12, 2 november 2006-imeersumi § 64, imm. 2 naapertorlugu 2021-mi 26-ussasoq aalajangerneqarpoq.
- Nr. 3. Suliffeqarfiit nunanit allaneersut tamarmik akuersissutit assigisaalluunniit aqqutigalugit Kalaallit Nunaanni ingerlatsisut Suliffeqarfinnik Qitiusumik Nalunaarsuiffimmi Kalaallit Nunaanni Danmarkimiluunniit angerlarsimaffeqartutut nalunaarsorsimassapput.
- Nr. 4. Ingerlatseqatigiiffiit filmiliornermik suliallit Nioqqutissanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi § 1, 19-21 aamma 27-mi nioqqutissanut taaneqartunut eqqussuinermi ukiumi akileraarutinut A-nut, suliffeqarnermut akitsuutinut aamma eqqussuinermut akitsuutinut akiliutigineqartunut kiisalu Qamutit motoorillit akileraarutaat pillugit Inatsisartut inatsisaat nr. 3, 16. juni 1987-imeersoq malillugu Kalaallit Nunaanni filmimik arlalinnilluunniit immiussinermut, tunisassiornermut il.il. atatillugu filmiliorfiup akiliutigisimasaanut 10 mio. kr.-t angullugit utertoorsinnaanerannut neriorsuiffiginissaannik Naalakkersuisut piginnaatinneqarput. Utertoorutissanik tunniussisoqassappat piumasarineqarpoq: 1. Qaammatisiutit malillugit ukiumi ingerlatseqatigiiffiup filmiliornermik suliallip akileraarutinut akitsuutinullu akiliutigisimasai 3 mio. kr.-nik qaangiissanngitsut. 2. Qaammatisiutit malillugit ukiup naaneraniit kingusinnerpaamik qaammatit pingasut qaangiutsinnagit qinnuteqaammik ukiup siuliani akileraarutinut akitsuutinullu akiliuteqarsimanermut uppersaatissanik ilalimmik Akileraartarnermut Aqutsisoqarfimmut nassiussisoqassaaq.

- Nr. 5. Soraarnerussutisiaqarnissamut aqqqissuussinermut pinngitsoorani ilaanissaq pillugu Inatsisartut inatsisaanni § 7, imm. 3 malillugu, takuuk imm. 4, tapiissutit ukiumi aningaasarsiorfiusumi tapiissutit akileqquneqarfianni akileraarutaagallartutut isigineqarnissaasa akuersissutiginnisaanut Naalakkersuisut piginnaatinneqarput.
- Nr. 6. Suliffeqarfiit nunani allani illersornissamut oqartussaasunik isumaqatigiissuteqarlutik kommunit agguarnerisa avataanni suliaqartut, aktiaateqarluni ingerlatseqatigiiffittut imaluunniit piginneqataassuseqarluni ingerlatseqatigiiffittut Kalaallit Nunaanni najugalittut nalunaarsorsimassapput aqutsisuilu Kalaallit Nunaanni najugaqassallutik. Taamatuttaaq suliffeqarfinnut sanaartortut suliassaasa ilaannik suliaqartunut, sanaartortut pisiortorfiinut il.il., oqaasertaliussani matumani immikkoortoq 1 malillugu nunani allani illersornissamut oqartussaasunik isumaqatigiissuteqarlutik kommunit agguarnerisa avataanni suliaqartunut aamma sanaartortut suliassaasa ilaannik suliaqartunut, sanaartortut pisiortorfiinut il.il. sanaartortut suliassaasa ilaannik suliaqartut suliassaasa ilaannik suliaqartunut, sanaartortut pisiortorfiisa pisiortorfiinut il.il. tamanna atuuppoq. Taamaattorli suliffeqarfiit oqaasertaliussani matumani immikkoortoq 1-2-mi pineqartut pisuni immikkut illuinnartuni sanaartortut suliassaasa ilaannik suliaqartussanik, sanaartortut pisiortorfissaannik il.il. allanik, oqaasertaliussani matumani immikkoortoq 2-mi pineqanngitsunik atuisinnaapput. Oqaasertaliussat isumaqatigiissutinut, 1. januar 2021-miit isumaqatigiissutigineqartunut atuutissapput.

Siunertamut kontumut, 24.10 Toqqaannartumik akileraarutit, nassuiaatit.

- Nr. 1. Aningaasarsianit akileraarutit pillugit inatsit kingullermik Inatsisartut inatsisaatigut nr. 22, 28. november 2018-imeersutigut allanngortinneqarpoq. Akileraarutip procentia ukiut tamaasa aningaasanut inatsisip akuersissutigineqarneranut atatillugu aalajangersarneqartarpoq, taamaaliornikkummi eqaannerusumik sulisoqarsinnaasarmat aningaasanut inatsisissap aappassaaneerneqarnerani pingajussaaneerneqarneranilu allannguutissatut siunnersuutit aningaasalersornissaannut atatillugu. Nuna tamakkerlugu akileraarummit iluanaarutit kontumut pingaarnermut, 24.10.10 Nuna tamakkerlugu akileraarut, isertitatut nalunaarsorneqassapput. Oqaasertaliussat AI 2020-mit ingerlateqqitaapput.
- Nr. 2. Nuna tamakkerlugu akileraarut assigalugu nuna tamakkerlugu immikkut akileraarut aningaasanut inatsisissap akuersissutigineranut atatillugu aalajangersarneqartarpoq. Nuna tamakkerlugu immikkut akileraarut kommunit aggornerisa avataanni Akileraarnermut Aqutsisoqarfimmit akileraarfissatut isigineqartuni akileraartussaataitasunit akileraarutigineqartarpoq, tassanilu pingaartumik Pituffik pineqarpoq. Nuna tamakkerlugu immikkut akileraarummit iluanaarutit kontumut pingaarnermut, 24.10.11 Nuna tamakkerlugu immikkut akileraarut, isertitatut nalunaarsorneqassapput. Oqaasertaliussat AI 2020-mit ingerlateqqitaapput.

- Nr. 3. Aningaasarsiat akileraarutit pillugit inatsisartut inatsisaanni nr. 12, 2. november 2006-imeersumi § 2 imm. 2-5 aamma § 3 imm. 3 kingusinnerusukkullu allannguutaasimasut naapertorlugit akileraarutitigut isertitaqartalernissaq anguniarlugu suliffeqarfiit nunanit allaneersut siuliani pineqartut CVR-imut nalunaarsorneqarsinnaalernissaasa tunngavissaqalernissaat oqaasertaliussatigut qulakkeerreqarpoq. Oqaasertaliussat AI 2020-mit ingerlateqqitaapput.

- Nr. 4. Nunarpassuit namminneq nunaminni minnerunngitsumik filminik aliikkutassianik immiussisoqarnissaa pillugu ingerlatseqatigiiffinnut filmiliornermik sulialinnut ussassaarisarput, matumani assilinqarsimasut namminneq nunaminnik pilerisaarinissap nunani allani takuneqarnissaa neriutugalugu. Assersuutugalugu Island aamma Norge utertitsisoqartarnissaanut aqqissuussinernik atuilersimapput. Aqqissuussinernit assigiinngillat, nunalli marluullutik akileraarutinut tunngasunik aallaaveqarnissaat ilimanarpoq. Oqaasertaliussatigut nunatsinni filminik immiussinissap tunisassiornissallu il.il. pilerinarnerulernissaa, tamannalu aqutugalugu Nunatta nunani allani nittarsaanneqarnissaa siunertarineqarpoq. Taamatut aqqissuussineq aqutugalugu ingerlatseqatigiiffiit filmiliornermik suliallit nunanit allaneersut soqutiginninnerulissapput, tamannalu aqutugalugu kalaallit isiginnaartitsisartut, teknikerit allallu suliffissaqartinnissaat annerulersillugu aamma kalaallit taamatut suliallit suliaassaannik nutaanik periarfissillugit. Ingerlatseqatigiiffik filmiliornermik sulialik tassaavoq inatsisitigut pisinnaatitaaffilik filmertarfinni imaluunniit tv-kkut siammarteriffiusuni takutitsisarnissaq siunertaralugu filminik aliikkutassianik piviusulersaarusanillu immiussinissamik, tunisassiornissamik aamma pilerisaarinissamik siunertalik. Akileraarutinut A-nut akitsuutinullu ingerlatseqatigiiffiup filmiliornermik suliallip nammineeeluni akilersimasai kisimik utertitsinissamut aqqissuussinermut ilaapput. Akileraarutinut A-nut akitsuutinullu assersuutugalugu ingerlatseqatigiiffiup allap akilersimasai matumunnga ilaangillat. Neriorsuisoqarnissaanut qinnuteqaatit ingerlaavartumik akileraaruseriffimmut tunniunneqarsinnaapput. Akileraarutinik akitsuutinullu utertitsisoqarnissaa pillugu akileraaruseriffiup aalajangiinissaa sioqqullugu filminut allatullu kulturikkut sulianut tapiissuteqartoqarsinnaanera pillugu sulianik suliarinnittartunut akisussaasumut oqaaseqaammik piniartoqaaqqaassaaq, tasanilu paasiniarneqassaaq siuliani taaneqartutut ingerlatseqatigiiffik filmiliornermik sulialik pineqarnerseq. Allaffissornikkut atugassarititat tunngavigalugit siunnersuutigineqarpoq ukiumut ataasiaannarluni utertitsisoqarnissaanut qinnuteqartoqartassasoq, tamannalu ukiup qaammatisiuteqarfiusup naanneraniit qaammatit pingasut qaangiutsinnagit pisassaaq. Ulloq piffissaliussaq qaangerneqarpat utertitsisoqarsinnaanera periarfissaajunnaassaaq, naak Naalakkersuisut neriorsuereersimagaluartut. Ingerlatseqatigiiffiup filmiliornermik suliallip namminersortup ukiumut qaammatisiuteqarfiusumut ataasiinnarmut 10 mio. kr.-t angullugit akileraarutinut A-nut akitsuutinullu utertitsiffiqineqarsinnaanissaa siunnersuutigineqarpoq, aningaasallu 3 mio. kr.-t qaangersimappatigut aatsaat ukiumut qaammatisiuteqarfiusumut utertitsissutissat tunniunneqarsinnaassallutik. Oqaasertaliussat AI 2020-mit ingerlateqqitaapput.

-

- Nr. 5. Soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaata aqunneqarnissaani 2021-mut aamma siusinnerusukkut ukiunut aningaasarsiorfiusunut tunngatillugu akileraaruseriffiup suliassaa ikilisarnissaat aalajangersakkami siunertaavoq. Innuttaasoq ukiumi aningaasarsiorfiusumi soraarnerussutisiaqarnissamut aqqissuussinermut naammattunik akiliuteqarsimangippat akileraaruseriffik ukiup tulliani innuttaasumut qinnuiginnissaaq aningaasanik nikingassutaasunik akiliuteqaqqullugu. Qinnuiginnittoqarneranut innuttaasoq malinninniannigippat akileraaruseriffik skattekortimik nutaamik imaluunniit akileraarutissat allagartaannik nutaanik (akileraarutinut B-nut) tunniussisinnaavoq, tassanilu nikingassutaasoq ilanngaattissap procentianut tapituk akiligassiissutigineqassaaq. Akileraaruseriffik skattekortimik ilanngaattissamik procentimik annermik pilimmik tunniussaqsarimappat sulisitsisoq innuttaasumut tunniussinermi akileraarutinut A-nut anginerusumik akiliisitsissaaq. Sulisitsisoq nassuiaassaaq akiligassanngortinneqartullu akileraaruseriffimmut akilerlugit. Akileraaruseriffik akileraarutissat allagartaannik tunniussaqsarimappat innuttaasoq nammineerluni akiligassanik akileraaruseriffimmut akiliuteqassaaq. Siunnersuutip kingunerissavaa aningaasat akilerneqartut tamakkerlutik, apeqqutaanani akileraarutinut A-nut B-nulluunniit tunngassuteqarnerisut, akileraarutaagallartutut isigineqassammata. Tamatumalu kingunerisaanik akileraarutinut annikippallaamik annertuallaartumilluunniit akiliutigineqarsimasinnaasut Akileraaruserinermik ingerlatsineq pillugu Inatsisartut inatsisaanni § 24-mi § 25-miluunniit malittarisassat malillugit akilersinniarneqassapput tunniunneqarlutilluunniit. Taamatut pisoqarnerani innuttaasoq assersuutigalugu § 25, imm. 2 malillugu 2 procentimik aningaasanik tunineqarnissamik piunnaqsarinnavaoq. Innuttaasup isertitarisartakkani skattekortip akileraarutinulluunniit allagartap tunniunneranni tunngavimmikkut malunnartumik allanngorsimasut malugisimappagu, innuttaasoq taakkua allanngorteqqullugit akileraaruseriffimmut qinnuiginnissinnaavoq, inatsisartut inatsisaanni § 14 takuuk. Aamma inatsisartut inatsisaanni § 15-imi aalajangersakkat soqutiginaateqarsinnaapput, matumani innuttaasoq ukiup ingerlanerani imaluunniit kingusinnerpaamik akileraaruseriffiup nammineerluni nalunaarsuiffimmik tiguseranik qaammat ataaseq qaangiutsinnagu akileraarutaagallartunut akiliuteqarpallaarsimasutut misigisimappat. Siunnersuut aqutigalugu suliassaqarfimmi tassani akileraaruseriffiup suliassai malunnartumik ikilisinneqassapput. Innuttaasumut tunngatillugu pineqartup aningaasaatikinnerulerneranik siunnersuut sunniuteqassaaq. Aamma tamanna innuttaasup Soraarnerussutisiaqarnissamut aqqissuussinermut pinngitsoorani ilaanissaq pillugu Inatsisartut inatsisaat malillugu pisussaaffimminik naammassinninniarluni naammattumik akiliuteqarnerata kingorna piffissaq qaangiutereeraluartoq atuuppoq, tamannalu aamma skattekortimik nutaamik imaluunniit akileraarutissat allagartaannik nutaanik tunniussisoqarnissaa tikillugu atuuppoq. Oqaasertaliussat AI 2020-mit iluarsineqarlutik ingerlateqqinneqarput.
- Nr. 6. Oqaasertaliussat kingunerisaannik nunani allani illersornissamut oqartussaasut sinnerlugit, Kalaallit Nunaanni kommunit agguarnerisa avataanni suliassat, aktiaateqarluni ingerlatseqatigiiffinnit imaluunniit piginneqataassuseqarluni ingerlatseqatigiiffinnit, Kalaallit Nunaanni najugalittut nalunaarsorsimasunit taakkunanilu Kalaallit Nunaanni najugalinnik aqutsisulinnit taamaallaat suliarineqaqqusaapput.

- Aningaasarsianit akileraarutit pillugit Inatsisartut inatsisaanni § 1, imm. 1, nr. 3 aamma marloriaammik akileraarnissaq pinngitsoorniarlugu isumaqatigiissutit Kalaallit Nunaata isumaqatigiissuteqarfigisimasai malillugit ingerlatseqatigiiffiit Kalaallit Nunaannut tamakkiisumik akileraartussaataaapput Nunatsinnilu najugalittut akileraartussaataaallutik. Suliffeqarfinnut sanaartortut pisiortorfinut suliffeqarfiillu sanaartortut suliassaasa ilaannik suliaqartunut aamma atuutissasoq siunnersuutigineqarpoq. Sulianit iluanaarutit, pissarsiat isertitallu akileraarneqarnissaannik Kalaallit Nunaata pisinnaatitaaffiata illersornissaa oqaasertaliussanik siunertarineqarpoq. Oqaasertaliussat Aningaasarsianit akileraarutit pillugit Inatsisartut inatsisaanni § 3, imm. 1, nr. 7-ip nanginneratut isigineqassapput, tassani inuit, sulliviit il.il. kunneqarfiup Danmarkip Amerikamilu naalagaaffeqatigiit naalakkersuisuisa Kalaallit Nunaata illersorneqarnissaa pillugu Atlantikup Avannaamiut Isumaqatigiissutaanni allaaserisami VII-imi ilanngunneqarsimasut akileraartussaataaangitsut pineqarput. Taamaattumik isumaqatigiissutigineqarsimasut oqaasertaliussani ataqqineqarput. Aningaasarsianit akileraarutit pillugit Inatsisartut inatsisaanni § 3, imm. 1, nr. 7-imi Amerikamiut suliffeqarfii taakkunanilu sulisut, sakkutooqarfinnik imaluunniit Amerikami Naalakkersuisunik isumaqatigiissutit naapertorlugit sulisut akileraartussaajunnaarsinneqarput. Amerikamiuunngitsut suliffeqarfii taakkunanilu sulisut illersornissaqarfimmi suligaluartut matumani pineqanngillat, takuuk ØLD 8. september 1983-imeersoq. Oqaasertaliussat immikkut illuinnartunik pisoqartillugu, matumani illersornissamut oqartussat nunanit allaneersut suliaqarniarnerannik akornuusiinnaappata pisiortorfiit pisiortorfigisartagaannut atuutissanngitsut siunnersuutigineqarpoq. Permanent Committee oqaasertaliussani immikkoortup pingajuata qanoq paasisaasaanera matumanilu immikkut akuersissutit eqqartorneqassapput isumaqatigiissutigineqarlutillu. Kalaallit Nunaata illersorneqarnissaa pillugu isumaqatigiissutip 27. april 1951-imeersup allanngortinneqarnera ilaneqarneralu pillugit Amerikami Naalagaaffeqatigiinnik isumaqatigiissut 6. august 2004-meersoq naapertorlugu Permanent Committee pilersinneqarpoq. Namminersorlutik Oqartussat Nunanut Allanut Naalakkersuisoqarfimmi ataatsimiititaliami aallartitaqarput. Suliffeqarfiit tamarmik Kalaallit Nunaanni kommunit agguarnerisa avataanni nunani allani illersornissamut oqartussaasut sinnerlugit suliaqartut pisussaaffeqarput. Suliffeqarfik nunani allani illersornissamut oqartussaasunik isumaqatigiissuteqartoq aktiaateqarluni imaluunniit piginneqataassuseqarluni ingerlatseqatigiiffiussaag Kalaallit Nunaannilu najugaqarluni, taamatuttaaq aqutsisut Kalaallit Nunaanni najugaqassallutik. Aqutsisut Kalaallit Nunaanni najugaqarnissaannut tunngasumi ingerlatseqatigiiffiup pisortaaneqarfimmit, siulittaasunit aktiaatilinnilluunniit aqunneqarnera apeqquataatinnagu ulluinnarni aqutsinerup Kalaallit Nunaanni ingerlanneqarnissaa pineqarpoq. Ulluinnarni aqutsisut ataatsimeersuarnerni aalajangikkat aalajangiiffigineq ajorpaat. Aqutsisut Kalaallit Nunaanni najugaqarnissaannik piomasagaammi aktiaatillit nunani allani najugaqannginnissaat piomasagaataanngilaq, ingerlatseqatigiiffiulliuna ulluinnarni Kalaallit Nunaanni aqunneqarnissaa piomasagaataasoq. Ingerlatseqatigiiffiup ingerlatseqatigiiffimmit nunani allani najugalimmit ingerlatseqatigiiffiutigisinnaanera oqaasertaliussani piomasagaatigineqanngilaq. Oqaasertaliussani immikkoortut aappaat naapertorlugu suliffeqarfiit, sanaartortut suliassaasa ilaannik suliaqartut, pisiortortarfiit pisiortorfigisartagaat assigisaalluunniit, kommunit agguarnerisa avataanni sulinissamut illersornissamut oqartussaasunik nunanit allaneersunik isumaqatigiissuteqarsimasooq sinnerlugu suliaqartut imaluunniit sanaartortut suliassaasa ilaannik suliaqartut suliassaasa ilaannik suliaqartut il.il., pisiortortarfiit pisiortorfigisartagaasa pisiortorfii il.il. aamma pisussaaffeqarput.

●

- Aktiaateqarluni ingerlatseqatigiiffittut piginneqataassuseqarluniluunniit ingerlatseqatigiiffittut Kalaallit Nunaanni najugalittut nalunaarsorsimanissamut pisussaaffik aqutsisullu Kalaallit Nunaanni najugaqarnissaannik qulakkeerinninnissaq, suliffeqarfiup pisiortortarfinni ataqaatigiissuni sorlermi ilaanersoq apeqqutaatinnagu aamma atuupput. Oqaasertaliussani immikkoortut pingajuanni, ingerlatseqatigiiffiit oqaasertaliussani pineqartut pisiortortarfiup pisiortorfigisaanik pisussaaffilerneqanngitsumik, pisuni immikkut illuinnartuni, matumani illersornissamut oqartussaasut nunanit allaneersut suliassamik isumaginninnissaat akornuserneqarsinnaappat atuisinnaaneri pineqarpoq. Pisut immikkut illuinnartut tassaatinneqarput assersuutigalugu teknikkikkut piginnaasanik amigaateqarneq, kalaallit suliffeqarfiutaannit neqeroorutiniq amigaateqarneq imaluunniit suliassap pissusissamisuunngitsumik sivisuunik suliarineqarnera. Oqaasertaliussat isumaqaatigiissutinut 1. januar 2021 aallarnerfigalugu isumaqaatigiissutigineqartunut atuuttut oqaasertaliussani immikkoortut sisamaanni erseqqissarneqarpoq. Oqaasertaliussat imarisaat inatsisissatut siunnersuummut 2021-p ingerlanerani saqqummiunneqartussamut ilanngunneqarnissaat naatsorsuutigineqarpoq. Oqaasertaliussat nutaajupput.

Kontumut pingaarnermut, 24.11.12 Raajanut akitsuutit.

Kalaallit Nunaanni aalisarnermi pisarineqartut isumalluutiniq atuinermut akitsuutaat pillugit Inatsisartut inatsisaanni nr. 46, 23. november 2017-imeersumi § 6, imm. 2 naapertorlugu raajanut Svalbardip Brentillu imartaanni pisanut akitsuutip procentia raajat Svalbardip Brentillu imartaanni pisat akiisa agguqaatigiisinnerat aallaavigalugu aalajangersarneqassaaq. Oqaasertaliussaq raajanut ukiumi 2021-mi pisarineqartunut sunniuteqarpoq.

Kontumut pingaarnermut, 24.11.12 Raajanut akitsuutit, nassuiaatit.

Raajarniarsinnaanermut isumaqaatigiinniarnep ilaattut Kalaallit Nunaat Svalbardimi Barentillu imartaanni raajartassinneqarpoq. Taakkuninnga raajanik tunisinermi akit Kalaallit Nunaanni raajarniarnerup akiiniit appasinnerusut paasineqarpoq. Sumiiffimmi raajat mikinerunerat kiisalu kilisaatit sumiiffinni taakkunani raajarniartartut raajanik suliarininnissamut atortorissaaruteqannginnerat tamassumunnga pissutaapput. Ullumikkut Svalbardimi Barentillu imartaanni raajarniarneq iluanaarutitakippoq. Akit appasinnerisa saniatigut aalisarfiit Kalaallit Nunaannit ungasinnerunerat pissutigalugu pisanut aningaasartuutit qaffasinnerunerat tamatumunnga pissutaapput. Peqatigisaanillu umiarsuaatileqatigiiffiit raajarniarnermut akigititaasa agguqaatigiisinnerat tunngavigalugu pisuussutinut akitsuummik akiliisussaanagerat pissutigalugu akilersinnaassusaa annikillineqarluni. Svalbardimi Barentillu imartaanni raajarniarnermi tunisat tunngavigalugit akitsuummumt procentimut immikkut naatsorsuinikkut ajornartorsiutit ikilisarneqarsinnaapput. Tamanna aalisarnerup akilersinnaassusaanut sunniuteqassaaq, pissutigalugu kilisaatit Svalbardip Barentillu imartaanni maannamut raajarniaqataasimasut taamaattu aalisarnissamut naleqqunnerpaanngimmata. Oqaasertaliussaqarnissap pisariaqassusaa 2021-imut aningaasanut inatsisissap suliarineqarnissaa sioqqullugu nalilersoqqinneqassaaq, taamatut iliuseqarnissaaq piffissami aalajangersimasuinnarmi ingerlanneqarnissaata naatsorsuutigineqarnera pissutigalugu. Oqaasertaliussat AI 2020-mit ingerlateqqitaapput.

-

Kontumut pingaarnermut, 24.11.14 Naqissusiinermut akitsuutit.

Naqissusiinermut akitsuuteqartitsinnginneq. Allagaatit, taarsigassarsinermi uppersaait, allaqqitat, atsiornert il.il., Royal Arctic Line A/S-ip Nuummi umiarsualivimmi illutaasa Namminersorlutik Oqartussanut tunniunneqarnerannut kingornalu illut suliffeqarfimmut imminut pigisumut tamanut iluaqutaasumut, Tikeraat ornittagaannik takornariartitsivinnillu pilersitsisarneq ingerlatsinerlu pillugit Inatsisartut inatsisaat nr. 25, 28. november 2016-imeersoq naapertorlugu Namminersorlutik Oqartussanit pilersinneqartumut tunniunneqartunut atatillugu suliarineqartunut pisortanut naqissusiinermi akitsuutinik akileraaruserneqassanngillat.

Kontumut pingaarnermut, 24.11.14 Naqissusiinermi akitsuutit, nassuiaatit.

Royal Arctic Line A/S-ip illuutinik oqaasertaliussani taaneqartunik suliffeqarfimmut nammineq pigisumut soorlu takornarianut saaffiginniarfimmik pilersitsinissamut atugassatut tunniussinnaanera oqaasertaliussatigut periarfissiissutigineqarpoq. Illuutinik tunniussinermut atatillugu Royal Arctic Line A/S-ip suliffeqarfiulluunniit nammineq pigisup illuutinik tiguisup naqissusiinermi akitsuutinik akiliisariaqarnissaa oqaasertaliussakkut periarfissiissutigineqanngilaq. Oqaasertaliussat AI 2020-mit ingerlateqqitaapput.

Kontumut pingaarnermut, 24.11.20 Akitsuutit, akiliilluni aallaaniarneq aalisarnerlu.

Piniarneq aallaaniarnerlu pillugit Inatsisartut inatsisaani nr. 12, 29. oktober 1999-imeersumi akiliilluni aallaaniarneq pillugu § 7 naapertorlugu aamma Aalisarneq pillugu Inatsisartut inatsisaanni nr. 18, 31. oktober 1996-imeersumi § 8, imm. 3 aamma 4 naapertorlugit akiliutigineqartussat makku aalajangersarneqarput: Akuersissummut ataatsimut akiliut imatut aalajangersarneqarpoq: Umimmaat, uumasog ataaseq 2.000 kr. Tuttut, uumasog ataaseq 1.000 kr. Piniagassanut minnernut akuersissut, ullormut 200 kr. Piniagassanut minnernut akuersissut, sap.akunneranut 1.000 kr. Aalisarsinnaanermut, ullormut 75 kr. Aalisarsinnaanermut, sap.akunneranut 200 kr. Aalisarsinnaanermut, qaammammut 500 kr.

Kontumut pingaarnermut, 24.11.20 Akitsuutit, akiliilluni aallaaniarneq aalisarnerlu, nassuiaatit.

Akiliilluni aallaaniarneq pillugu Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi § 7-imit aamma Aalisarneq pillugu Inatsisartut inatsisaanni nr. 18, 31, oktober 1996-imeersumi § 8, imm. 3 aamma 4-mit kingunerisaannik oqaasertaliussat pilerput, inatsisini aalajangerneqarluni akiliutissaq aningaasanut inatsimmi aalajangersarneqassasoq. Akiliilluni aallaaniarneq pillugu Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi § 7, aamma Aalisarneq pillugu Inatsisartut inatsisaanni nr. 18 31, oktober 1996-imeersumi § 8, imm. 3 aamma 4 misissoqqinneqarpata akiliutigineqartartunut aalajangersagaq aningaasanut inatsimmit peerneqassaaq. Oqaasertaliussat AI 2020-mit ingerlateqqitaapput.

Kontu pingaarneq, 24.11.22 Sulisoqarnermut akitsuummut.

Sulisoqarnermut akitsuut pillugu Inatsisartut inatsisaanni nr. 10, 2. november 2006-imeersumi § 2a, imm. 1 malillugu 2021-mi akitsuut 2020-mi ukiakkut ataatsimiinnermi allangortinneqartutut 0,2 pct.-iussaaq.

Kontu pingaarneq, 24.11.22 Sulisoqarnermut akitsuummut, nassuiaatit.

Oqaasertaliussat Sulisoqarnermut akitsuut pillugu Inatsisartut inatsisaata allangortinnissaa pillugu Inatsisartut inatsisissaattut siunnersuutip akuersissutigineranut tunngapput (UKA 2020/17). Suliffeqarfinnut namminersortunut tunngatillugu sulisitsisut namminersortut ernereermermut aningaasaateqarfimmuut inatsisartut inatsisaani allangortinneqartumi taaneqareersumi naatsorsuutigisatut 2021-mi akissarsiat tamarmiusut akiitsuusiiffiginissaattut 0,2 pct.-iannut aalajangersarneqassasoq siunnersuutigineqarpoq. Oqaasertaliussat nutaajupput.




KALAALLIT NUNAANNI AKILERAARUTIT 2021 - TAMAKKIISUMIK PAASISAQARNEQ

Atuarnissaanut ilitsersuut: Kisitsisit tamarmik koruuninut tusindinut allanneqarput. Naatsorsuutitigut soorlu nassuiaatigineqartoq kisitsisit minusertallit tassaapput isertitat nalinginnaasumillu kisitsisut aningaasartuutaallutik.

	Aningaasalliissutit 2021	Atuineq 2021	Assigiinngissut	Atuinerit %-nngorlugit	Atuineq 2020	Ineriartorneq % 2020 - 2021
Akileraartarnermut Aqutsisoqarfik IST-ip inernera	-2.196.744	-2.375.723	178.979	110 %	-2.580.394	-8 %
Akileraartarnermut Aqutsisoqarfiap allaffeqarfiat	86.503	81.653	4.850	94 %	80.153	2 %
Toqqaannartumik akileraarutit						
Pissarsiasat siusinnerusukkut taamaatinneqarsimasut	-7.000	-8.836	1.836	126 %	-5.450	62 %
Sulisitsisuni uninngatitsinerit	500	0	500	0 %	0	0 %
Akileraarutitut akiliisitsissutit	-5.000	-6.534	1.534	131 %	-2.771	201 %
Akitsuutitut akileeqqusissutit	-300	-76	-224	25 %	-146	-48 %
Ernianut tapiissutit, ileqqaaruteqarnissamik aaqqissuussineq	2.000	1.839	161	92 %	1.818	1 %
Pensionisianut tapiissutit	400	324	76	81 %	132	145 %
Nuna tamakkerlugu akileraarut	-1.120.400	-1.203.056	82.656	107 %	1.264.651	-5 %
Nuna tamakkerlugu immikkut akileraarut	-73.700	-86.964	13.264	118 %	-88.880	-2 %
Ingerlatseqatigiiffiit akileraarutaat, namminersornerullutik oqartussat suliffeqarfutaat	-12.300	-15.695	3.395	128 %	-66.493	-76 %
Toqqaannanngitsumik akileraarutit						
Nioqqutissanik eqquusuinermit akitsuutit	-546.500	-601.534	-55.036	110 %	-568.033	6 %
Motoorinut akitsuut	-79.400	-93.675	14.275	118 %	-90.900	3 %
Raajanut akitsuut	-224.900	-204.321	-20.579	91 %	-264.780	-23 %
Umiarsualivimmiinnermut akitsuutit	-6.500	-5.429	-1.071	84 %	-4.294	26 %
Naqqissusiinnermut akitsuut	-43.000	-58.495	15.495	136 %	-52.992	10 %
Eqquiniaatitsinermit akitsuutit	-4.500	-3.490	-1.010	78 %	-4.446	-22 %
Aningaasanik ikisilluni pinnguaatitut akileraarutit	-5.800	-5.252	-548	91 %	-6.799	-23 %
Akitsuutit, akiliilluni piniarneq aalisarnerlu	-100	-46	-54	46 %	-203	-77 %
Sulisisoqarnermut akitsuut	-104.500	-98.320	-6.180	94 %	-95.519	3 %
Avatangiisinut akitsuut	-16.000	-17.008	1.008	106 %	-16.458	3 %
Aatsitassanut, sikumut imermullu akitsuut	0	0	0	0	-77	100 %
Qaleralinnut akitsuut	-75.400	-87.360	11.960	116 %	-89.415	-2 %

AKILERAARUTIT AAMMA AKILERAARUTINUT TUNNGAVIIT OQALUTTUARISAANERMIT ISIGALUGIT ALLANNGORIARTORNERI - TAMAKKIISUMIK PAASISAQARNEQ

Toqqaannartumik akileraarutit 2012 - 2021



	2012	2013	2014	2015	2016	2017	2018	2019	2020	2021
Nuna tamakkerlugu akileraarut	983.997 kr.	913.165 kr.	875.984 kr.	954.710 kr.	1.049.829 kr.	1.018.786 kr.	1.077.764 kr.	1.096.763 kr.	1.264.651 kr.	1.203.056 kr.
Nuna tamakkerlugu immikkut akileraarut	107.596 kr.	113.171 kr.	116.551 kr.	114.940 kr.	109.853 kr.	78.565 kr.	99.517 kr.	83.041 kr.	88.880 kr.	86.964 kr.
Namm. Oqartussat suliffeqarfiutaat akileraarutaat	52.026 kr.	25.108 kr.	34.408 kr.	42.254 kr.	114.661 kr.	113.663 kr.	59.531 kr.	47.045 kr.	66.493 kr.	15.695 kr.
Toqqaannartumik akileraarutit	1.143.619 kr.	1.051.444 kr.	1.026.943 kr.	1.111.904 kr.	1.274.343 kr.	1.211.014 kr.	1.236.812 kr.	1.226.849 kr.	1.420.024 kr.	1.305.715 kr.

Toqqaannartumik akileraarutit allanngoriartorneri


Piffissami 2012-miit 2021-mut Kalaallit Nunaat ataatsimut isigalugu toqqaannartumik akileraarutinut patajaatsumik qaffakkiartortumik tunngaveqarsimavoq. Taamaattorli 2021-mi akileraarutitigut isertitat annikinnerupput. Nuna tamakkerlugu akileraarut 2014-miit 2020-mut qaffakkiartorsimasoq, 2021-milu annikinnerulluni. Nuna tamakkerlugu immikkut akileraarut appariartorsimavoq, Pituffimmi kiffartuussinermut isumaqatigiissut allanut tunniunneqarnera ilusaanik. Namminersorlutik oqartussanit pigineqartunut ingerlatseqatigiiffinnut akileraarutit ukiumiit ukiumut annertuumik allanngorsimapput, taakkullu 2021-mi akileraarutaat annertuumik annikinneruvoq. Tamanna pissutigivaa 2021-mi iluanaarutit immikkut ittumik piginnittunut agguarneqaramik Covid-19 pissutigalugu.

Toqqaannangitsumik akileraarutit allanngoriartorneri

Toqqaannangitsumik akileraarutit tassaapput akitsuutit. Uani ataani toqqaannangitsumik akileraarutit allanngoriartorneri takuneqarsinnaapput.

Piffissap 2011-p aamma 2021-p akornanni akitsuutini isertitatigut tunngaviit siuariartorsimapput.

Toqqaannangitsumik akileraarutit 2012 - 2021




	2012	2013	2014	2015	2016	2017	2018	2019	2020	2021
Toqqaannangitsumik akileraarutit	860.204 kr.	823.363 kr.	934.312 kr.	901.061 kr.	1.019.493 kr.	1.034.725 kr.	1.195.289 kr.	1.193.272 kr.	1.217.676 kr.	1.224.302 kr.

Aalisarnermut akitsuutit allangoriartorneri

Aalisarnermut akitsuutit taakkulu ineriartorneri toqqaannangitsumik akileraarutinit isertitat pingajorarterutigaat uani immikkuullarissuuneri erseqqissarneqarluni.

Nunatsinni aalisarnermut akitsuutit allangoriartorneri



	2014	2015	2016	2017	2018	2019	2020	2021
Raajanut akitsuut	145.300 kr.	153.000 kr.	167.500 kr.	175.400 kr.	263.300 kr.	263.800 kr.	261.700 kr.	204.321 kr.
Qaleralinnut akitsuut	18.800 kr.	29.800 kr.	53.900 kr.	47.800 kr.	94.300 kr.	97.600 kr.	89.415 kr.	87.360 kr.
Aalisakkanut ikerinnaasiortunut akitsuut	74.400 kr.	28.700 kr.	47.200 kr.	36.100 kr.	46.900 kr.	43.800 kr.	30.925 kr.	39.498 kr.
Aalisarnermut akitsuutit inernera	238.500 kr.	211.500 kr.	268.600 kr.	259.300 kr.	404.500 kr.	405.200 kr.	382.040 kr.	331.179 kr.

Aalisarnermut akitsuutit allangoriartorneri

Aalisarnermit akitsuutit annertussusiat 2010-miit annertuumik qaffakkiartuaarsimavoq. Aalisarnermit akitsuutinit isertitat raajat qalerallillu kiisalu avaleraasartuut oqaluttuarisaanermi qaffasissunik akeqarnerinik tunngaveqartumik qaffasissimapput. Isertitat pineqartut 2018-imi qaffasinnerpaasimapput.

Akitsuuseeriaatsimik aqqissuussineq nutaaq 2018-imi Kalaallit Nunaanni aalisarnermut tamarmiusumut atatillugu atortuulerpoq. Akitsuusersuinikkut aqqissuussinermi avataasiorluni, sinerissap qanittuani kiisalu avaleraasartuunik aalisarneq ammassassuarnik, ammassannik, saarullernanik kiisalu kapisilinnillu aalisarneq pineqarput.

Aalisakkanit aamma raajanit akitsuutit ataatsimut 2021-imi 331 mio. kr.-inik annertussuseqarput 2020-imilu 382 mio. kr.-inik annertussuseqarlutik. 2021-imi isertitat iluanaarutaasut annikinnerinerinut pissutaavoq raajat qaleruallit 2021-imi akiisa appariartuinnarsimaneri COVID-19-ip kingunerisaanik. Raajat qaleruallit agguaqatigiisillu avammut tunineqartartut akii 5 %-inik 2020-imut sanilliullugu appariaateqarput.



Nioqqutissanik eqqussuinermi akitsuutit

Nioqqutissanik eqqussuinermi akitsuutit 2021-mi toqqaannanngitsumik akileraarutinit 50%-iupput. Tabellimi ataaniittumi eqqussuinermi akitsuutininut isertitat agguarneqarput. Ukioq 2021, 2016-imut assersuunneqarpoq, Ukiuni tallimani procentinngorlugu ataatsimut qaffariarneq kolonnimi talerpillermiippoq.

Nioqqutissanik eqqussuinermi akitsuutit	2016	2021	Ukiuni tallimani ineriartorneq
Sukkut, kaffit/tiit sukulaatillu	-43.791 kr.	-65.718 kr.	34 %
Imigassat aalakoornartortallit	-188.052 kr.	-221.049 kr.	14 %
Imeruusaatit poortuutissallu	-47.443 kr.	-76.591 kr.	55 %
Pilerisaarutit naqitat	0 kr.	-563 kr.	Akitsuut nutaaq
Tupanik nioqqutissiat	-138.940 kr.	-181.027 kr.	15 %
Neqinik tunisassiat	-18.607 kr.	-18.321 kr.	-2 %
Qamutit motoorillit	-33.244 kr.	-27.598 kr.	-43 %
Tipigissaatit	4.381 kr.	-10.669 kr.	287 %
Qummoroortaait	0 kr.	-2.373 kr.	Akitsuut nutaaq

Akitsuutininut ataatsimoortunut arlalinnut eqqussuinermi akitsuutit ukiuni kingullerni tallimani Inatsisartut aaqiiiffiginikuuat, ingammik qamutininik motoorilinnik, sukkuunik, imigassanik tupanillu eqqussuinermit akitsuutit qaffannerat kinguneraat. Taamatut ussasaarutininut naqitanut qummoroortaatinut puussianillu eqqussuinermi akitsuutit ukiut kingulliit tallimat ingerlanerani eqqunneqarput.



2021-IP INGERLANERANI - AKIITSUT INERIARTORNERI

2021-ip ingerlanerani akiitsut ineriartorneri

Akiitsut 2021-miit 2022-imut 1.32 mia. kr.-iniit 1.35 mia. kr.-inut qaffapput. Tassa 2,57%-inik qaffarianeq. Tabellimi ataaniittumi februar 2021-miit, januar 2022-mut akiitsut ineriartorneri takutinneqarput.

Akilgassat kinguaattoorutit suunerat	Suliat amerlassusiat Februar 2021	Akilgassat kinguaattoorutit Februar 2022	Suliat amerlassusiat Januar 2022	Akilgassat kinguaattoorutit Februar 2022	Suliat amerlassusiat Procentinngorlugu allannguit	Akilgassat kinguaattoorutit Procentinngorlugu allannguit
Meeqqanut akilersuutit	83.181	412.688.404	84.211	418.120.628	1,24	1,32
Akileraarutissat sinneri	13.489	550.689.330	221.548	500.826.922	1.542,43	-9,05
ESU	73	35.587.037	67	33.558.624	-8,22	-5,70
Akileraarutit A-t	1.781	16.339.083	25.164	124.168.367	1.312,91	659,95
Ingerlatseqatigiiffiit akileraarutaat	48	22.405.805	470	19.104.666	879,17	-14,73
Ineqarnermut akiliutit	10.361	35.904.085	9.042	44.248.826	-12,73	23,24
Akileraarutit erniaat	2.148	2.367.058	657	1.257.948	-69,41	-46,86
Kommunit akiligassat kinguaattoorutit assigiinngitsut	15.957	56.207.730	12.316	42.131.290	-22,82	-25,04
Ikiorssiisutit utertinneqartussaataasut	4.535	25.475.343	3.948	23.550.261	-12,94	-7,56
Ilinniarnermi taarsigassarsiat	1.036	9.726.118	927	8.884.058	-10,52	-8,66
Meeqquqeriviit	24.184	16.108.002	22.440	15.504.349	-7,21	-3,75
Eqqaavilerineq	100.102	36.049.987	94.217	35.097.519	-5,88	-2,64
Kommunit inuussutissarsiuutit taarsigassarsiat	7	65.985	7	65.985	0,00	0,00
Assigiinngitsut Namminersorlutik Oqartussanut akiligassat kinguaattoorutit	10.889	58.620.134	16.400	45.405.439	50,61	-22,54
Initaarniarnermut tapiissutitigut taarsigassarsiat	281	15.372.787	237	12.335.414	-15,66	-19,76
Nammineq illulionermi taarsigassarsiat	256	3.070.448	213	2.715.706	-16,80	-11,55
Innaallagiaq/imeq	7.765	2.874.921	5.046	1.864.543	-35,02	-35,14
Meeqqanut inissitanut angajoqqaat akiliutaat	7.355	10.271.455	6.447	8.990.035	-12,35	-12,48
Nunat Avannarliit piumasaqataat	1.214	6.860.608	1.818	12.925.351	49,75	88,40
Akilgassat kinguaattoorutit allat	4.393	1.800.774	3.547	1.669.686	-19,26	-7,28
Katillugit	289.055	1.318.485.094	508.722	1.352.425.617	76 %	3 %

2021-ip ingerlanerani akiitsut ineriartorneri

Akiitsut assigiinngitsut isiginiaraanni taakkua ineriartornerat (allanngoriartornerat) annertuunik assigiinngissuseqarput. Qaffariaataasut pingaarnerit tassaapput akileraarutinit akiitsut akiligassat sinneruttut, taakkua 13.489-iniit 221.548-nut qaffassimmammata. Akiitsut qaffariaataat annertunerit akileraarutinut A-nut tunngasuupput, qaffariaateqarsimasunut 16.339.083 kr.-iniit 124.168.367 kr.-inut.

Akiitsut annertussusiisa qaffariaateqarsimanerannut pissutaasut ilagaat aningaasarsiornikkut ingerlatsinermi atortorissaarut nutaaq Prisme Namminersorlutik Oqartussani aamma kommunini atortuulersinneqarsimammata. Ilutigisaanillu akiliisitsiniartarnermut aqqissuussineq nutaaq Akileraartarnermut Aqutsisoqarfimmi atortuulersinneqarsimalluni. Aningaasarsiornikkut ingerlatsinermi atortorissaarummik aqqissuussineq nutaaq aamma akiliisitsiniartarnermi aqqissuussineq nutaaq tamarmik isumaqarput suleriaatsinik nutaanik pisariillisaanernillu, kiisalu aamma kisitsisit paasissutissat ingerlalluarnerulernerannik suliasaqarfinnilu tamani kisitsisit tatiginarnerulernerannik. Atortorissaarutinik aqqissuussinerit nutaat kingunerisimavaat Namminersorlutik Oqartussat aamma kommunit torersaasimanerannik kisitsisinillu paasissutissanik misissuisimanerannik, kiisalu aamma suleriaatsinik perrassaallutik pitsanngorsaasimanerannik. Tamatumani soorunami ilanngullugit aamma sammineqarsimapput akiitsut il.il. Taamaakkaluartoq aqqissuussinerit atortorissaarutit nutaat inunnguuseralugu "nappaatitaqartarput" allannguinnisaanillu kissaatinik kinguneqartarlutik. Tamanna immikkut akiliisitsiniartarnermik aqqissuussinernut atatillugu initusimavoq.

Akiitsunik suliat naatsorsorneqartut piffissami pineqartumi 289.055-iniit 508.722-inut qaffassimapput, tassalu qaffariaat 75,99 %-it missaat.

Suliat amerlassusaannik naatsorsuinerni qaffariaateqarneq akiisullu annertuseriaataat tassaapput suliat aningaasallu siusinnerusukkut akiitsut nalunaarsorsimaffianni ersissimannngitsut maanna ilaalernerat. Immikkoortoq taanna suliat aamma akiitsut qaffariaateqarneri, oqariartortuunngilaq amerlanerusut pisortanut akiitsoqarnerannik, kisiannili piviusumik kisitsisit paasissutissat pigineqartut pitsaanerulernerannik.

Kisitsisit paasissutissat pitsaanerulersinneqarnerisa ersarissarsimavaa suli pisariaqartitsisoqartoq akiitsunik sulianillu ikinnerulersitsinissamut. Aningaasarsiornikkulli atortorissaarutinik nutaanik atortuulersitsineq, minnerunngitsumillu akiliisitsiniartarnermik aqqissuussineq piffissap ilaani kinguneqarsimapput akiitsut ikinnerusut akiliisitsiniarnikkut suliarineqarsimanerannik. Covid-19-illu atuunna ilutigisaanik isumaqarsimavoq unammillernartoqarneranik tigussaasumik akiliisitsiniartarnikkut nunatsinni sumiiffinni assigiinngitsuni.

Akilerartarnermut Aqutsisoqarfik
Intaleeqqap Aqqutaa nr. 1
Postboks 1605
3900 Nuuk
www.aka.gl



WWW.AKA.GL